

# 記憶裏充斥的是當天的愛 曖昧是最美好的階段

作者: 楓羽

Powered by [紙言](#)

# 初見

每件事無論係好事定壞事 都有佢既開始  
而我同阿靜既開始就係因為一隻dota game league of legends 英雄聯盟  
2013年6月13號 係我識佢既日子 當日我因為朋友團RK -1 所以幫手打  
果日一入去 本來諗住係5個毒撚係到HEHE打團RK  
點知一入到去 hi你 有女既 果陣阿靜係到同佢地班毒撚講緊佢讀咩科果D野  
基於我既狗公性格  
咁我都無謂一入去就講埋D咸濕笑話講粗口啦 話晒都有女女係到 把聲仲幾好J  
理所當然女仔當然係SUP 而我開頭係補位既 但係有女係到就緊要搶番自己最MAIN既位  
所以我就要左中路 想係女仔面前威 我諗都算係男人既天性  
不過有時D野你越想做得好 就會做得越差 果場我係玩冰雞  
中路對線打球女 開頭因為太想贏線 搞到輸成20CS  
果陣佢仲聊我傾計 我就懶型話自己台服冰雞神  
之後跑線死多左2次.... 佢果陣同我講左句 說好的冰雞神呢 呃我既  
把聲仲要好嗒咁講 一個毒男係呢一刻就係咁容易就可以心動  
搞到我即刻froggen上身真係變左冰雞神  
由020變到13/2/12 之後一路冰雞神多2場  
換其他中路英由7點沖戰到12點 小靜要訓 終於都5勝打完戰隊頭5場  
出黎本來因為我地戰隊係 2鑽2白金 1上季白金 今季未打頭10  
諗住5勝點都有白金 出黎得金2 有D失望 之後小靜OFF左  
我地亦都散左BAND 咁我諗住我同佢既緣份都到此為止 當有個女仔陪我玩左一晚  
但係命運已經將我同佢拉埋左一齊 而加打下一章 打多幾章睇下有無人睇

# 萍水相逢

六月十四日 果日因為有D掛住小靜 好早就起左身  
我刷完牙洗完面就開電腦 一ON LOL就見到佢觀看中  
無無聊聊就禁左入去睇下佢觀緊邊個戰 入去只係見到幾個金框銀框就無興趣走番出去  
到佢觀完戰 之後密我:做緊咩=w=  
咁就緊係要玩下女仔 :研究你幾點起身打機  
:講呢D  
之後就同佢玩到12點  
見有D悶就係到吹水  
我問佢真名係咩 佢要我估 (我估左好耐先佢開估...)  
戴以靖 個名幾好 我亦都係憑呢個名  
搵到佢讀咩學校 同佢既相 果張相佢係中二果陣影 有D醜  
我果陣諗 把聲咁好聽 個樣差D都公平既  
ONLY玩 聽把聲 都幾好J唔錯 之後佢比左佢WTAPPS我  
佢話無相的 唔洗驚 我add完 icon有2個女仔 我即刻CUT低左圖  
之後再過多陣就轉左做張公仔相 佢應該係轉慢左  
咁我都扮睇唔到 果張ICON 同我係網上搵到既佢果張好唔同  
網上果張 矮 皮膚黑 有豆豆  
icon果張 白色冷衫 黑框眼鏡 馬尾 雖然唔算女神級 但係都幾可愛 好天然呆FEEL  
我2:17拎到佢WTAPPS 喂左佢一聲 之後同佢都係LOL入面傾 佢到夜晚10點先再上線  
我果刻心入面諗 樣唔算差 但係一個女仔一日only睇幾次WTAPPS 係無朋友定係太毒  
果晚同佢傾計 我一路以為女仔一定會有睇既RUNNING MAN 同韓劇 佢居然都無睇 無興趣  
所以由呢一刻 我認定左佢係一個毒女  
果晚同佢傾計 傾左好多 我同佢講左以前自己既當兵故事  
果陣有幾ON9 有幾智障 最後咩都無  
佢係到安慰我 同我講番佢同佢EX既野 聽完佢同佢EX既野 之後我好心酸 好心痛  
點解一個咁好既女仔 要比人咁樣糟蹋 但係個女仔仲係好樂天 好開朗 點解可以咁堅強  
所以我就決定 我要追到佢 要守護佢 照顧佢 佢同EX既事有機會補番(如果有人想知既話)

## 曖昧(上)

傾左好多好多 由鐘意咩戲開始傾 大家都有睇hunger game1,2 到講埋本書 講佢鐘意咩類型既書  
鐘意咩類型既電影 鐘意D咩 識咩運動 (原來係一個咩運動都差唔多全部學唔識既女仔)  
因為果排考緊試 所以我地都有傾到讀書既話題 佢大我一年 sad  
傾大家聽日考咩科 有無溫書 識唔識 都可以傾成個鐘  
每日最後都以一句早抖靖姐姐收尾 佢都會回我一句:唔準叫老曬 早抖!  
第二日早上WTAPPS叫醒我起身 朝早都傾陣計先番學考試 到放學再傾 再打機  
呢段日子真係好開心 同佢好似男女朋友咁大家關心大家  
想知大家多D野 到研究大家讀咩學校 係到估  
講下食緊咩 識整咩野食 鐘意食咩 考試前一句加油  
真係好窩心 叫佢影佢以前既作文 想睇下佢手字 (佢係一個好整齊既女仔 D NOTE 書汁得好整齊)  
傾佢鐘意去咩地方 佢最想去多一次既地方係台灣 (因為好多野食 但係佢係食極都唔肥既體質)  
最想去又未去過既地方係日本 因為佢好鐘意動漫 最想去一次日本  
去毒 去浸溫泉 去行街 又想去韓國行街 佢話因為D韓劇拍到勁浪漫  
冬天落雪 街上D人都冒住風雪跑番屋企 跟住男女主角一齊食飯  
食炸雞飲啤酒(佢唯一有睇既係來自星星的你)  
我問佢係咪好想男朋友好似男主角咁有超能力  
佢話唔係 有咁多超能力會好花心 對佢唔好 佢只想搵一個可以陪住佢 錫佢 哄佢既人一齊  
佢係一個好有愛心 好好人既女仔 我果陣因為幫人代打 比人封左lol ac  
佢同我一齊寫道歉信比GARENA 希望我可以拎番個AC  
我諗住開新帳 佢陪我一齊升 係我封AC之前佢講過  
佢成世人最憎重頭黎過 太白痴 重頭黎過果種感覺好唔慣 會覺得唔屬於自己  
連玩ONLINE GAME 開新AC做倉佢都懶 佢真係好憎重頭黎過  
但係佢肯陪我一齊升過個AC.... 我真係好感動 呢個女仔

## 曖昧(下)

如果要數咩對話最曖昧 應該係我想同你做D咩  
我想同你一齊去日本 一齊去癲幾日  
同你去秋葉原買野 同我一齊睇戲 一齊食糖水  
想我讀小說比佢聽 一齊去行街 去行旺角 行信和  
一齊去動漫節 睇COSPLAY 甚至一齊玩COSPLAY

果陣有個比賽係爐石戰記既比賽 hkesports搞  
佢叫我去果到挑TOYZ機 話佢出黎支持我  
而終於 呢次就係我地第一次出街